



U diyaarinta Daliilo hay'adda USCIS

Preparing Evidence for USCIS



Warqadan xogta aruursan ahi waxa ay ka hadashaa dukumiintiyadda ay dhici karto inaad u baahato inaad u dirto hay'adda (USCIS) ee Muwaadinka iyo Adeegyadda Laanta Socdaalka (Immigration) ee Mareykanka (U.S.). (Citizenship and Immigration Services (USCIS). Waxaad dhici karta inaad u baahato inaad dirto dukumiintiyo haddii aad dalbanayso qaar ah noocyadda sharciga ah ee ay bixiso laanta socdaalku ama warqad shaqo. Waxaa kaloo iyana dhici karta inaad u baahato inaad u soo qaadato daliilo waraysiga uu ku waraysanayo sarkaal ka socda laanta Socdaalka (immigration) oo kugu waraysanaya xafiiska hay'adda USCIS.

Si aad u akhrido warqadan xoga aruursan ah oo Ingiriis ah ama Afaf kale ah, booqo: lawhelpmn.org



Warqadan xogta aruursan ah waxaa sameeyey iskaashiyo dhexmaray hay'adaha Immigrant Law Center of Minnesota, Mid-Minnesota Legal Aid, Southern Minnesota Regional Legal Services, The Advocates for Human Rights, iyo the Volunteer Lawyers Network. Waxaana gargaaray maalgeliyey laga helay Waaxda Adeegyadda Bulshadda ee Gobolka Minnesota (State of Minnesota Department of Human Services).

U soo aruurin Daliilo Hay'adda USCIS

Waa maxay daliili?

Daliilahu waa dukumiintiyo, sawiro, iyo waxyaabo kale oo kaa caawiya inaad cadeeyso waxa aad oronaysaa inay run yihiin. Waxa aad u baahan inaad u dirto daliilaha hay'adda USCIS si aad u cadeeyso inaad xaq u leedahay martabadda sharciga ah ee aad codsanayso.

Waxa aad ka codsan hay'adda USCIS:

- Sharciga ilaalinta ku meelgaarka ah (TPS)
- Magangelyo haddii haddii **aadan** ku jirin masaafurin
- Dhalasho Qaadasho (muwaadinimo)
- Deganaasho rasmi ah
- Sharci ah inaad tahay dhibane loo geystay dambiyadda qaarkood ama tacadi
- Sharci aad ku qaadato qaar ka mid ah xubnaha qoyskaaga
- Ogolaansho shaqeyn. Tan waxaa la yiraa “warqadda shaqada.”



Haddii aad u diro codsi hay'adda USCIS, waxaa laga yaabaa inaad u baahato sababta:

- Ay tahay inay kuugu ogolaadaan inaad sii joogto wadanka Mareykanka (U.S.).
- Ah in aysan amaan ahayn inaad ku noqoto wadanka aad u dhalatay.
- Aad xaqqa ugu leedahay nooc martabada sharciga ee ay laanta socdaalku (immigration) ama manfaca aad codsanayso.

Waxaa kaloo laga yaabaa inaad u bahaato inaad cadeeyso:

- Qofka aad tahay
- Meesha aad ku nooshahay
- Sidda aad qaraabadda ula tahay xubnaha qoyskaaga

Ma u baahnahay inaad u diro daliilo hay'adda USCIS kolka aan dirayo codsi?


Haa. Waa khasab inaad la dirto noocyo kala duwan oo daliilo ah codsi walba oo aad u dirayso hay'adda USCIS. Haddii aadan dirin daliiladda saxda ah, codsigaaga waa la diidi karaa. Taa macnaheedu waa hay'adda USCIS waxa ay dib kuugu soo celin codsigaaga iyadoon go'aan ka gaarin ama waxa ay u aqbali sidii inaad waqtigii la rabay ku soo xareysay. Siddoo kale waa la diidi karaa. Haddii codsigaagga la diido waayo ma aadan dirin daliilaha saxda ah ee loo baahan yahay, waxa aad waayi kartaa wixii lacag ah ee aad u dirtay inay noqoto khidmada xareynta codsiga. Kiisaska qaarkood, hay'adda USCIS waxa ay codsataa daliilo kale mar dambe inta hawsha codsigaaggu socoto. Gal “Sidda loogu diro Daliilahaaga USCIS” oo qaybta warqadan xoga aruursan ah si aad uga hesho tilmaamo ku saabsan sidda loo diro daliilahaaga.

Daliilo noocce ah ayaan u baahnahay inaad u diro hay'adda USCIS?


Codsi walbaa waa ka duwan yahay kuwa kale. Foom walba oo codsi waxa uu yiraa waxa ay khasabka ay tahay inaad dirto. Qaar waxay u baahan yihiin dukumiintiaddii asalka ahaa, qaar waxay aqbalaan nuqulo (copies). Foomamka qaarkood waxaa lagu sameyn karaa khadka (online). Ka eeg liiska buuxa iyo tilmaamaha foom walba mareegta

<https://www.uscis.gov/forms/forms>.

Jaantuska hoose waxa uu hayaa **tusaalayaal ah** daliilaha laga yaabo in haya'dda USCIS ay rabto. Waxyaabahaasi in badan waa ay is-bedbedali karaan. Hubi inaad eegto shabakadda (website) hay'adda USCIS iyo/ama aad la tashato xirfadle yaqaan sharciyadda laanta socdaalka ka hor inta aadan dirin kiiskaaga.

Waxyaabaha USCIS ay Dhici karto inay ku waydiiso inaad Cadeyso	Tusaalayaal ah Daliilaha Ioo Diro Hay'adda USCIS
<p>Aqoonsigaaga.</p> 	<p>Tusaalayaal ah dukumiintiyadda Aqoonsiga:</p> <ul style="list-style-type: none">• Dal-ku-gal (Passport) leh sawirkaaga, magacaaga iyo taariikhdaadda dhalashada. Haddii aadan haysan dal-ku-gal (passport), la tasho qareen.• Warqad dhalasho haddii ay leedahay sawirkaaga. AMA warqad dhalasho IYO aqoonsi (ID) sawir leh.• Fiise (Visa) ay bixisay qunsulad ajnabi ah.• Dukumiiti Aqoonsi (ID) oo heer Qaran ah oo leh sawir iyo/ama sawir farood.• Aqoonsiga (ID) gobolka sidda laysinka darawalka ama aqoonsi (ID).
<p>Sawir dhawaan la qaaday. Marmarka qaarkood hay'adda USCIS waxa ay waydiisaa in lala soo diro 2 sawir oo kuwa dal-ku-gal ah (passport) codsiga.</p>	<p>Sawiradda Dal-ku-galka (Passport) waa khasab inay yihiin:</p> <ul style="list-style-type: none">• 2 hiish (inches) x 2 hiish (inches) baaxadoodu laguna qaaday iyadoo meel cad ay ka dambayso.• Cusub. Waa khasab in la qaaday 6 dii bilood ee la soo dhaafay.• Sawir cad oo wajigaaga iyo garbahaaga kaliya ah. Waa khasab inaad toos u eegto kaamaradda. Ma dhoola cadeyn kartid. Mana xirnaan karid ookiyaale.

<p>Waxyaabaha USCIS ay Dhici karto inay ku waydiiso inaad Cadeyso</p>	<p>Tusaalayaal ah Daliilaha loo Diro Hay'adda USCIS</p>
	<ul style="list-style-type: none"> • Asalka. Ha soo dirin sawir nuqul ah (copy). Ha bedelin sawirka adigoo isticmaalaya kumbuyuutar aab telefan ama miirayaal. <p>Waxa aad isaga qaadi kartaa sawiradda dal-ku-galka (passport) Walmart, Walgreens, ama farmashiyeyaal kale oo badan oo kuwada tafaariiqda ah gada ah.</p>
<p>Aad qaraabo la tahay xubin cayiman oo qoyska ah. Taa macnaheedu waa waxa aad u baahan tahay inaad cadeyso in qof uu yahay waalidkaa, ilmahaaga, ama xilahaaga.</p> 	<p>Tusaalayaal ah dukumiintiyadda la isticmaali karo:</p> <ul style="list-style-type: none"> • Warqadaadda dhalashadda oo magaca waalidkaa uu ku qoran yahay. • Warqadda dhalashada ee ilmahaaga oo magacaagu ku qoran yahay inaad tahay waalidka ilmahaa. • Warqad guur oo leh magacaaga iyo magaca xilahaaga. • Amar furiin oo maxkamadeed oo leh magacaaga iyo magaca xilahaagii hore. • Kiisaska qaarkood, warqado dhaar (affidavits) ah oo laga keeno dad og xiriirkiina oo ay ku dhaaranayaan inuu dhab yahay ayaa loo baahan.
<p>Aad ku noolayd wadanka United States dhowr sanno.</p> 	<p>Dukumiintiyadda cadeynaya inaad ku noolayd Mareykanka (U.S.):</p> <ul style="list-style-type: none"> • Heshiisyo (lease) guri kiraysi oo leh magacaaga iyo waqtiyadda aad halkaa ku noolayd. • Canshuur celinta dowladda dhexe iyo tan gobolka ee sannad walba ee aad bixisay canshuur. • Cadeymo Shaqo muujinaya shirkadda aad u shaqeysay iyo waqtiyadda aad u shaqeysay. • Warqad boosto oo kuuga soo dhacay Mareykanka (U.S.). Warqadahaa boostaddu waa khasab in ay taariikhaha iyo ciwaanku meesha loo diray ay ku qoran yihiin. • Qoraalo tacliineed oo muujinaya inaad iskuul ka gashay wadanka Mareykanka (U.S.). Waa kkhasab inay

<p>Waxyaabaha USCIS ay Dhici karto inay ku waydiiso inaad Cadeyso</p>	<p>Tusaalayaal ah Daliilaha loo Diro Hay'adda USCIS</p>
	<p>lahaadaan magacaaga. Waa khasab sidoo kale inay lahaadaan taariikhaha aad iskuulka dhiganaysay.</p> <ul style="list-style-type: none"> • Qoraaladda Caafimaad oo miijinaya taariikhda iyo goobta aad ugu tagtay dhaqtarka.
<p>Waxa ay u keeni kartaa qaxar aad u weyn qof ehel ah haddii lagu masaafuluriyo. Taa macnaheedu waa haysato ilmo ama uu jiro qof ehel ah oo jiran oo aan haysan cid kale oo haynaysa.</p> 	<p>Soo uruurinta dukumiintiyadda cadeynaya:</p> <ul style="list-style-type: none"> • Inaad tahay qof haya qof ehel ah oo qaba cudur aad daran. Kuwaasi waxa ay noqon karaan qoraalo caafimaad. Waxay sidoo kale noqon karaan warqad uu oo qoray dhaqtar ama hawl-wadeen bulsho. • Haddii aad tahay qofka inta badan haya ama siiya gargaar dhaqaale ilmo ah muwaadin Mareykan ah (U.S.) ama haysta deganaansho rasmi ah (green card). Tani waxay noqon kartaa warqadda dhalashada ee ilmahaaga iyo cadeyn ah martabadda sharciga ah ee ay haystaan. Waxay kaloo noqon kartaa amar maxkamadeed xukun ilmo haysi ah ama mid mas'uul ka noqosho ah. Waxay noqon kartaa warqad uu soo qoro macalin, dhaqtar, ama cid kale oo xirfadle ah. • Sababta qoyska oo dhan aan loo masaafurin karin. Tani waxa ay noqon kartaa dukumiinti cadeynaya in dawo aan laga heli karin wadanka aad u dhalatay. Waxay kaloo noqon kartaa warqad dhalasho ee ilmo ku dhashay Mareykanka (U.S.) oo aad tahay qofka inta badan haya.

**Waxyaabaha USCIS ay
Dhici karto inay ku
waydiiso inaad Cadeyso**



**Lahaansho habdhaqan
suuban.** Taa manacheedu
waa waxa aad caawisaa
qoyskaaga iyo beeshaada.
Sidoo kale macnaheedu
waa waxa aad u
hogaansantaa sharciga.



Tusaalayaal ah Daliilaha loo Diro Hay'adda USCIS

Soo aruuri dukumiinti cadeynaya:

- **Tabarucid beeshaada.** Taasi waxay noqon kartaa warqad laga keeno, kaniisad, sinigaag, Masjid, ama urur samafal ah.
- **Ha lahaan dambi ku helidyadda qaarkood.** Taa macnaheedu waa warqad bilaysku soo qoro oo aaminid ah oo laga soo qoro magaalo walba oo aad ku noolaan jirtay. Waxay noqon kartaa magac baarid laga baarayo diiwaanka maxkamadda dambiya qofka magaciisa ee gobol walba ee aad ku noolaatay. Waxay kaloo noqon kartaa baafinta hay'ada FBI ay sameyso.
- **Gargaarid ilmahaaga ah.** Tani waxay noqon kartaa warqaddo ay soo qoraan macallimiinta ilmahaagu. Waxay noqon kartaa cadeyn ah in ilmahaagu ay adiga kula nool yihiin. Waxay kaloo noqon kartaa cadeyn ah inaad bixiso wixii la iska rabo ee masaariifid ilmaha ah ama u dirid lacag ilmahaaga haddii aysan adiga kula noolayn.
- **Bixinta Canshuurta.** Tani waxay noqon kartaa nuqulo (copies) canshuur-celinta dowladda dhexe ama mida gobolka.
- **Aad ka soo kabanayso isticmaal khamro ama mukhaadaraad.** Tani waxay noqon kartaa warqad dhaqtar ama barnaamij daryeel uu soo qoro.
- **Amaan dadka beeshu sameeyaan.** Taasi waxay noqon kartaa warqado ay soo qoraan dadka beeshaadu oo oronaya sidda ay kuu yaqaanaan iyo sababta aad u tahay qof fiican. Asxaab, ehel, iyo daris ayaa qori kara warqadahaas.

<p>Waxyaabaha USCIS ay Dhici karto inay ku waydiiso inaad Cadeyso</p>	<p>Tusaalayaal ah Daliilaha loo Diro Hay'adda USCIS</p>
<p>Waa khatar in aad adigu ku noqoto wadankaaga aad u dhalatay. Taa macnaheedu waa lagugu jir dili ama waa laguguba dili karaa haddii lagu diro wadankaaga.</p> 	<p>Soo aruuri dukumiintiyadda cadeynaya:</p> <ul style="list-style-type: none"> • Daliilo ah xaaladaha ka jira wadankaaga. Waxay noqon karaan warbixino sharxaya xaaladaha ka jira wadankaaga. Warbixinadaasi waxa ay ka imaan karaan dowlad iyo ururo samafal ama maqaalo wargaysyadda lagu soo qoro. • Daliilo ah waxyaalo horey laguugu gaystay wadankaaga. Taasi waxay noqon kartaa warbixino bilays ama qoraalo caafimaad. Waxay noqon karaan nuqulo (copies) hanjabaadyo aad heshay. Waxay kaloo noqon kartaa warqad dhaar (affidavit) ay soo qoraan ehel iyo asxaab oo orayanaysa in sheekadaadu ay run tahay. Warqadda dhaartu (affidavit) ku waa warqad sharci ah oo qof qoro si ay ula wadaagaan waxay arin ka og yihiin maxkamad. Waa inay qofkaasi uu ku hor saxiixo warqadda qof kale oo la yiraa Nootaayaale si warqaddu u noqoto mid sharciyeysan. • Daliilo waxyaalo loogu gaystay wadankaaga dad adiga oo kale ah. Tani waxay noqon kartaa maqaalo wargays ama warbixino ururo samafal oo aan dowladi ahayn. Waxay kaloo noqon kartaa warqado ay soo qoraan khibradlayaal ama xirfadlayaal.
<p>Aad raadisay daryeel ka dib dambi ku soo eedayn. Haddii lagugu soo eedeeyey ama lagugu helay dambi, cadeyn ah talaabooyinka aad qaaday inaad ka soo kabato taa aadna sharciga adeecdo.</p> 	<p>Soo aruuri dukumiintiyada cadeynaya inaad qaaday talaabooyin ah inaad sharciga adeecdo sidda:</p> <ul style="list-style-type: none"> • Qoraalo caafimaad oo muujinaya inaad daryeel u heshay arrimo caafimaadka madaxa ah oo ku haystay ama qabatin maan-dooriyeyaal. • Cadeyn ah inaad bixisay dhamaan ganaaxyadii oo dhan. • Nuqul (copy) diwaanadda maxkamada ee kiiskaaga ah oo muujinaya inaad ka baxday borobaashinkii.

Waa maxay daliilaha fiican?

Wixii daliilo ah ee aad u dirto USCIS waa khasab inay ka soo baxaan shuruudahan soo socda:



Daliilahu waa inay ku taxaluqaan waxa codsigaagu ku saabsan yahay.



Daliilahu waa khasab inay noqdaan af-Ingriis ama loo turjumo af-Ingriis.

Haddii qoraalka asalka ahi uusan ahayn Ingiriis, waa khasab in qof turjumo. Uma baahnid inaad isticmaasho turjumaan ama tafsiite xirfadle ah. Qof labada afba yaqaan oo ehelkaa ah, saaxiib, ama qof aad istaqaanaan ayaa sameyn kara. Waa khasab in uu qofkaasi buuxiyo foomka turjumaha ee oranaya waa uu karaa inuu turjumo qofkaas afka ku qoran dukumiintiga. Waa khasab siddoo kale inuu yiraa qofkaa turjumiddu waa sax. Ka hel foomka turjumaanka oo banaan mareegta: [lawhelpmn.org/sites/default/files/2025-02/Immigration Certificate of Translation.pdf](http://lawhelpmn.org/sites/default/files/2025-02/Immigration%20Certificate%20of%20Translation.pdf)



Daliilahu waa inay noqdaan ‘ilo koowaad’ kolka ay suurtagal tahay.

Ilaha koowaad waa asalka, dukumiintiyadda sharciyeysan ee cadeeya in wax dhaceen. Ilaha asalka ahi waa noocyadda ugu fiican daliilaha.

Tusaalooyin ilaha koowaad waa:

- Warqad dhalasho oo dowladdi bixisay
- Warqad guur oo dowladdi bixisay
- Warqaddo caafimaad oo isbitaal bixiyey
- Warbixino bilays
- Warbixino dowladeed, wargeysyo, ama cilmi-baar
- Cadeymo shaqo sidda jeegta shaqada dabadooda ama dukumiintiyadda canshuurta

Haddii aadan haysan ilo koowaad ah waxood, waxa aad soo diri kartaa “ilo labaad.” Ilaha labaad waa qoraalo aan sharciyeysnayn oo dhacdo ku saabsan.

Tusaalooyin ilmaha labaad ah waa:

- Qoraal guur oo ay bixiyeen urur diimeed ama mid iimaaneed
- Warqaddo dhalasho oo ay bixiyeen urur diimeed ama mid iimaaneed

Waxaa aad soo diri kartaa 2 waraqadood oo dhaareed (affidavit) haddii aadan haysan ilo kowaad iyo kuwa labaad midna. Warqadda dhaartu waa warqad sharci ah oo qof qoro si ay ula wadaagaan waxa ay og yihiin hay’adda USCIS. Waa

inay qofkaasi uu ku hor saxiixo warqadda qof kale oo la yiraa **Nootaayaale** si warqaddu u noqoto mid sharciyeysan.

Tusaale: Maria uma ay hayso warqad dhalasho oo dowladdi bixisay wiilkeeda Carlos. Sidoo kale ma jiraan wax warqad dhalasho ah oo laga keeni karo urur diimeed. Waxa ay u soo diri kartaa 2 warqadood oo dhaar ah oo ka soo qortay dad ogaa dhalashadii Carlos daliil ahaan.



Daliilahu waa khasab inay ka yimaadaan “ilo sumcad” leh.

Tusaalooyin ilaha fiicani waa:

- Wasaaradda Arrimaha Dibadda ee U.S. (U.S. State Department)
- Dowladdo wadamo kale
- Ururo aan dowladi ahayn (sidda, Ururadda aan dowladdi ahayn, ururadda xaquuqda aadanaha, Human Rights Watch, the United Nations, Amnesty International)
- Warbixink bilays
- Qoraalo caafimaad
- Qoraalo shaqo.

Tusaalooyin ilo xunxun:

- Wikipedia
- Maqaal
- Baraha bulshadda, marmar badan

≡≡≡ Sidda loogu Diro Daliilahaaga USCIS



Nuqulo ka samee dhamaan daliilaha oo dhan ka hor inta aadan u dirin USCIS. Haysana nuquladaa adigu!

Waa muhiin inaad nuqulo kala harto wax walba oo aad u dirto hay'adda USCIS. Waxa aad ka heli ogaysiiska iyo warqado kale oo ah helida wixii aad dirto ah USCIS oo ku saabsan kiiskaaga. Ku wada hay dukumiintiyaa oo dhan hal meel oo amaan ah.

Goorma iyo xaggee ayaan ku siiyaa daliilahayga hay'adda USCIS?

Waxaa jira 4 mar oo ah marmarka ay dhici karto inaad siiso daliilo hay'adda USCIS.

01

Kolka aad u dirto codsi hay'adda USCIS.

Soo aruuri dukumiintiyadda gargaaraya kiiskaaga lana dir foomka codsigaaga oo buuxsan. Waxa aad dhigi kartaa boostadda foomka codsigaaga buuxsan iyo dukumiintiyadda gargaaraya. Haddii aad ku buuxiso codsigaaga khadka (online) ka, waa khasab inaad geliso (upload) kumbuyuutarka dukumiintiyadda daliilaha ah.

- **Ku dar warqad dabool ah.** Haddii aad boostadda u dhigayso codsiga iyo daliilaha hay'adda USCIS, qor warqad dabool ah iyana. Waxaa jirta tusmo warqad dabool oo ku jirta qaybta “Tusmo Warqad Dahaar” ee warqadan xogta aruursan ah.
- **Helida ciwaanka boostadda ee saxda ah.** Nooc walba oo codsi ah waxaa loo diraa ciwaan ka duwan kuwa kale. Eeg barta uscis.gov si aad u ogaato meesha loo diro codsigaaga iyo daliilaha gargaaraya. Baar akhbaarta nooca codsiga ah ee aad xareynayso. Bogga codsigaa ayaa haya ciwaanka boostadda.

02

Kolka aad tagto balanta waraysiga sarkaalka ka socda laanta socdaalka (immigration) ee fadhiya xafiiska USCIS.

Waxaa dhici karta inaad ugu tagto waraysi sarkaalka ka socda laanta socdaalka (immigration) ka horta inta aysan hay'adda USCIS gaarin go'aan ku saabsan noocyo ka mid ah codsiyadda. Hay'adda USCIS waxa ay boostadda kuu soo dhigi warqad leh taariikhda iyo waqtiga waraysigaaga.

- **La imow daiilaha ay hay'adda USCIS ku waydiisatay inaad la timaado wareysiga.** Warqadaas waxaa ku qoran liis dukumiintiyo ah oo aad u baahan tahay inaad la timaado. Waxaad kaloo keeni kartaa wixii daliilo ah ee aad doonayso in hay'adda USCIS ay hesho.

03

Haddii aad ka hesho warqad hay'adda USCIS ku waydiinaysa akhbaar kale.

USCIS waxaa dhici karta inay kuu soo dirto warqad ku waydiisa dukumiintiyo kale oo badan oo gargaaraya codsigaaga. Warqadan waxaa loogu yeeri karaa “Codsii Daliilo” ama “Ogaysiiska sii

Dib U Dhigida.” Tani waxa ay dhacdaa haddii aad u dirtay hay’adda USCIS akhbaar ku filan si loo bilaabo dib u eegida kiiskaaga, laakiin akhbaar aan ku wada filnayn in go’aan la gaaro. Warqadani waxa ay imaan kartaa ka hor ama ka dib waraysiga sarkaalka laanta socdaalka.

- **U dir daliilaha ay ha’adda USCIS ku waydiisatay.** Warqaddu waxay kuu sheegi daliilaha cayiman iyo dukumiintiyadda ay ha’adda USCIS ay doonayso inaad u dirto. Waxay kaloo ku siin mudadda ugu dambeeya ee aad soo diri daliilaha. Haddii aadan soo dirin dhamaan akhbaarta ay ku waysiisteen inaad u soo dirto waqtiga ugu dambeynta ah ee ay ku siiyeen, codsigaaga waa la diidi karaa.
- **Ciwaanka boostada.** Warqaddu waxa ay kuu sheegi meesha loo dirayo daliilaha.

04

Haddii aad soo hesho daliilo kale oo oo aadan horey u hayn.

Marmarka qaarkood waa aad ku ‘kaabi’ kartaa codsigaagga haddii aad soo hesho daliilo cusub oo aan horey loo heyn. Tusaale ahaan, haddii aad dalbanayso sharci adigoo ah cuskanaya inaad tahay dhibane dambi uuna kiiskaaga dhibka lagaa galay ah uu u gudbo heer dacwo qaadid ama dambi ku helid inta aad sugayso in codsigaaga hawshiisu ay dhamaato, ama haddii aad soo hesho dukumiintiyoo cusub oo caafimaad, waxa aad la wadaagi kartaa kuwaa hay’adda USCIS.

05

Haddii codsigaaga la diido adana doonayso inaad racfaan ka qaadato go’aanka.

Marka hay’adda USCIS ay diido codsigaaga, waxa ay kuu soo diri kartaa ogaysiis diimadda ah. Waxa aad ka qaadan kartaa racfaan go’aankaa ama waxa aad soo diri kartaa daliilo kale si aad u cadeeyso inay ahayd in la ansaxiyo codsigaaga. Warqadda diidmada ahi waxa ay ku siin waqti ugu dambayn ah waxa ayna kuu sheegtaa meesha loo dirayo akhbaarta kale.

Ciwaanka boostada. Warqadda diidmada ahi waxa ay ku siin waqti ugu dambayn ah waxa ayna kuu sheegtaa meesha loo dirayo akhbaarta kale.

Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddi ay 1 sano ka soo wareegtay xilligii la daabacay. Weydiiso xogtii ugu dambeysay, liiska xogta urursan, ama aad ku hesho habab kale.

© 2026 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuqul kasta oo la sii daabaco. Dib u daabicidda, sii qeybinta, iyo in loo isticmaalo hab ganacsi ah waa mid si adag loo mamnuucay.



Tusmadda Warqadda Daboolka ah

Date: Ku qor halkan taariikhda maanta

USCIS

(hel ciwaanka aad u baahan tahay inaad halkan geliso.

Ka eeg "Goortee iyo goobtee ayaan ku siiyaa daliilahayga hay'adda USCIS?" Talaabadda 01, ee warqadan xogta aruursan ah)

Re: Ku qor magaca codsigaaga halkan

Applicant: Ku qor magaca hore iyo kan dambe halkan

A#: Ku qor halkan lambarkaaga ajnabiga A-Lumber (A-Number), haddii aad haysato

Dear Sir or Madam:

Please find the following:

- Ku qor wixii dukumiinti ah ee aad dirayso halkan
- Ku qor wixii dukumiinti ah ee aad dirayso halkan
- Ku qor wixii dukumiinti ah ee aad dirayso halkan
- Ku qor wixii dukumiinti ah ee aad dirayso halkan

Thank you for your consideration of my application.

Sincerely,

Ku saxiix magacaaga hore iyo kan dambe halkan

(Signature)

Ku qor magaca hore iyo kan dambe halkan

(Full Name)

Ku qor telefankaaga halkan

(Your Phone #)

Ku qor ciwaankaaga halkan

(Your Address)